

6) Krista dei pi nai my kawm ai nai vang ly u kheng ra nga nai my ym nai keung ly nga nai ne.

Nang chi i kamngo chi y lawi hai ai nai ra y U-Kheng nai my paleung kam tha tapi u.
Act. 3:19

Isu Krista y ym. Ym baly atleu ra y nga ai mang.
Act. 16:31

“U Kheng ra” na nai ly kam ngo i pa rawi nai bawi bawi chi ra i pa chai nai ne. “Ym nai sai” na nai ly Isu Krista i pei nai kadi leu sai bawi bawi chi ly achi bawi bawi i atho ka hang amo theu ra nai. “Isu ly kai ai ym nai bawibawi chi ly vai tlen tui ka hai ba y” na nai thui pi nai ne (Jn. 6:36). Atleu nai ra ly pei ai nai ngo y nai ne. Hawi nai ra sa i py ngo pa jau y. (Rom 4:45) “Kawm nai ra vang y ym nai my nga khyh nai ne. (Eph 2:8-9) Atleu nai ra ly vang hawi nai y, J.awm my pei nai ne (Rom. 3:24). Hi ni Atleu nai ra y bawi bawi chi tleaung y mo y khai nai my khrei pa lo ba ly nga ai nai ne (Mt. 13:44). Hunai kamta sa baly Tameuh i sa nai bawibawi chi ly kawi tyh nai my achi teng y py ni i tamuh asang p'rai nai my ni kamta achi py deungtasa amo theu ra nga ai nai ne.

Vai ati na sa ai moh?

Tameuh ly Isu krista teng y pei yb nai amo theu nai ra y nang ka deaung ba ly Tameuh ly nang i vui hei nai ra y sa pi ai nai ne. Hi ni chi y sa ai nai lang sai hawi lang py awn nai ne. Kamngo i pa rawi ra nai a lei u jau. Nang kamngo ra i nai lawi ai nai Krista y pa lau i y ym u. Baibul leu sai ra y “deungtasa Tameuh y ym nai my ahui nai bawi bawi chi ly atleu nai ra y tang ai na nai thui pi nai ne” (Rom. 10:13). Nang i athang khai nai ra bawi bawi chi y Krista teng y a-au u. Kamngo i pa rawi na' ra y ym nai sai hawi taphra u. Tameuh pei nai awm nei nai ra ly

kamngo pei nai athang khai nai ra tleaung y hawi keh nai ne. Lawileh nai ra tleaung py hawi keh nai ne. Lawi hai nai ra hawi vang len nai Tameuh i kadi chi hau ai nai Baibul cha iu y Phrai ba (2 Pet 1:3-4) Baibul leu sai y ym nai my krista y bawi bawi chi tleaung y vang tamuh khai nai kam kawm ha rei y hau ai nai vang rei achu i y palo u. (Phil. 3:7)

Hei nai ra lang y pa teng pi ai mang. Amo theu nai ra hawi langtang mang y neng tlei rei awn nai my amo theu nai ra ly kanipri y awn nai ne.
Ps. 16:11

Hi ni khaileaung pri y paleung hawi khrei hawi keh nai satang ly nang i amo theu ra hawi Tameuh i chai nai ra ly hawi keh nai ne. Tameuh ly Krista teng y khai pi nai ly amo theu nai ra, kawm ai nai hawi, mo y kai i y pa lo ai nai, cheaung khang chi hawi py pata ai nai ngo pa Jauy nai amotheu nai, deungtasa rei awn nai amo theu ra hawi nang ai khang vui chi hawi kawm ai nai ne.

DEUNGTASA TAMEUH I KALU Y
AMO THEU NAI MY SO U!
Ps. 100:2

Contact Address:

Logos Baptist Bible College & Seminary
Pinlong 8/A-55, Boyoke Road
Kalaymyo, Myanmar

အသင်းတော်အတွင်း ကန့်သတ်ထုတ်ဝေသည်။

AMO THEU NAI RA Y

HAU AI NAI SAI

Baibul leu Sai i pa cheaung nai amjy ta ryh rei

Amo theu nai sai y

hau ai nai Tameuh i
thui pi nai sai y
nang pa ny bo a?

*Deungtasa Tameuh teng y amkawm u.
Hunaikamtasabaly Paleung i awmanei nai
ra hawi, kawi nai ra py pei ai.*
Psalm 37:4

Khume dialect



1) Tameuh ly mymy i tamuh amthang nai hawi, tamuh asang nai ka vui y achi y amsa pi nai ne.

Palonai mengtym, khaileaug mengtym i kai na nai, kai i ammymh y palo nai keung, kai i tamuh y kai my masa i y pa ju pachai nai ne.
Isa. 43:6-7

Tameuh ly mymy i tamuh asang nai sai y palo nai kavui y achi khumi cho chi y amsa nai sai nai. Palo nai sai na nai ly kangmalo y ken amdeaung hai nai maibalu hawi kasi chi y khen nai kamta atawn nai ne. Tameuh ly mymy i hawi nai sai, teungnai sai, tau cheng nai ra hawi kawityh nai sai chi hawi mymy i a ngyh nai sai chi y py pa teng hai nai ka vui y achi y amsa nai ne. My i tamuh y amsang hai pa J.au nai ly Tameuh teng y Khri pa rei am kawm nai deaug kho y nai. Thui ngai nai ly my my ly ampalo nai sai y nga nai thyn khala y amotheu nai sai ya chipy amtang nga nai ne. Achi ly Tameuh teng y amkawm baly achi teng y py tamuh asang tleaung asang veaung veaung nai.

2) Khumi cho chily Tameuh i tamuh amthang hai nai ka vui y heng sang nai ne.

Nang chi ly cha i py, nei i py, manai kamta amjy cheaug khang sa i py, Tameuh i tamuh ka vui y bawi bawi chi y py so u.
1 Cor. 10:31

Tameuh ly khumi cho chi y mymy i tamuh asang, athang nai ka vui y sa nai teung khyp baly achi ly ni i tamuh amthang hai nai ka vui y py heng ai nai khri parei a ly len nai ne. A chi i sa ai nai ly ni i kadaw sai hawi a tawn ai nai a ly len i ngai hai nai ne. Hunai deaugkho y a chi i amcheng sa ai nai kalu leaug sai ly a chi i tlang tleaung y Tameuh sa yb nai kamta khang pa Jau nai my ni i tamuh y pateng hai nai ngai nai ne. Hunai kamta pa teng nai sai ly kamtamei ra hawi awn nai Tameuh i hawi

nai sai, (Matt. 22:37) ni y ym palo nai (1 Jn 5:3-4) hawi, deaugtasa Tameuh y palo chiu nai sai ne (Ps. 100:1-2) Huni chi ly kateung ta ngai nai sai lamdeng ne. Khriparei amichi y kamtamei paleung awn ai nai thui pi nai leaug sai chi y ta ngai ai nai khri pa rei aly len nai ne. (1 Co 1:4-5)

3) Achi bawi bawi ly Tameuh i tamuh y amkhawp ai nai ngai y nai ne.

Khumi chi ly hawi y nai kamngo chi y sa nai my Tameuh i tamuh y amkhawp ai nai hawi nai sai chi py by vai y nai ne.
Rom. 3:23

“Tameuh i tamuh y amtawn ai nai phra na nai ly” ati na moh. Thui ngai nai saily achi bawi bawi chi ly Tameuh y ym palo nai sai hawi tamuh khai nai sai hawi so y nai deaugkho y nai. A chi bawi bawi ly ni i tamuh amteng nai sai y ngai y nai sai chi tleaung y hau beaug nai my Tameuh y ly mo y khai y nai ne. Huni chily mymy y chiu nai sai ne (Rom 1:21-23) Kamngo ly hini khaileaug pri theung y kum nai kha i dengdairei Tameuh y achi ly Khrei tamuh khai y nai my ni hawi palo nai my awn nai ne (Eph 2:3). Hu nai deaugkho y huni ly Khri pa rei J.eng hawi P'rai nai Tameuh i tamuh y py so y nai my amkawn y nai leaug sai chi nai.

4) Achi bawi bawi ly Tameuh i pei nai aprei y achi ly vang rei talang ai nai keung chi nai.

Kamngo i vang ly dei ra ne.
Rom. 6:23

Achi bawi bawi ly Tameuh i tamuh y ei vui nai keung chi nai. Manai kamta ei vui mo na pi ba ly. Ni tleaung y takhra cheaug khang chi y mo khai nai, Tameuh i paleung hawi vang awn hai y, Ni i aly ngai nai chi y py lei y nai ne. Hunai deaugkho y Tameuh ly deungtasa heng ra nga nai Samrang i

a kho theung i nai achi y patheu paka nai ly Khri pa rei teung nai ne. Hu ni chi ly Areng Tameuh i mei mai hawi phum tako len tamuh hawi amprei i y deungtasa phra ra y tym nai my kamngo theung y awn Jo bo nai. (2 Thess. 1:9)

“Ngari Pri” na nai leu sai ly Baibul cha iu theung y tlen holainyh rei (12) thui pi nai my Isu my my py tlen holaiha rei (11) thui nai ne. Hu ni ly kado theu nai my tara hawp keung sara leaug rei mysa nai ne y. Tameuh i chopo nai ne my thui pi pa typ nai ne. Huni y sadi khai y baly ngari tla nai ne.

Baibul leu sai ly khaileaug pri y awn nai khumi chi i tako nai lang ly hini ra ya nawn ai na ba ly achi bawi bawi chi ly patang ra a vum ai nai ne. Na i py hunai kamta nai y, khen i y phrai cham rai.

5) Tamueh my my py deungtasa hei ra hawi amo theu nai ra y pei ai nai mymy i khapo Isus y pato nai ne.

Isus Krista ly kamngo awn nai keung chi y atleu ai nai, hi ni khai leaug pri y am jeu bo na nai leu sai ly kadi ticha leu sai nai.
1 Tim 1:15

Satang ka hawi ly achi i kamngo i vui y atleu pi nai my Isu Krista my dei pi nai ne. Nai beaug ba ly ni i a tleu pa jau nai ra y pa ny teung khyp ai nai dei ra i nai athau teaug nai my deungtasa hei ra hawi amo theu ra ka theu pai kho py pa eaung pi nai ne (1 Cor. 15:20). Tameuh ly ym nai keung chi i vui y pa tang ra i nai lawi hai ra y ni my sa pi nai ne (Rom 3:25-26) “Achi ly Tamueh teng y pa to nai my hawi nai keung ly hawi y nai keung chi i vui y hawi y nai sa nai keung chi vui py tlen rei dei pi bo (1 Pet. 3:18). Tameuh awn nai meitym ra y awn ai nai ly khri pa rei hawi nai meitym nai.